

Zagrebački gradonačelnik posjetio Mostar

# Neretva treba da spaja narode

Milan Bandić u Mostaru  
FOTO NN



Jurica GUDELJ

**MOSTAR - Odnosi između Hrvata i Bošnjaka u BiH mogu i moraju biti još bolji, rekao je jučer u Mostaru gradonačelnik Zagreba Milan Bandić.**

On je, naime, boravio u posjeti Mostaru zajedno sa predsjednikom Mešihata Islamske zajednice (IZ) Hrvatske, zagrebačkim muftijom Šefkom Omerbašićem, a sastali su se s gradonačelnikom Mostara Ljubom Bešlićem, odnosno predsjednikom Gradskog vijeća Muratom Čorićem.

**Svrha posjeta, kako su kazali i Bandić i Omerbašić, je potreba za unapređenjem suradnje Bošnjaka i Hrvata u Bosni i Hercegovini.**

"Odnosi ovdje, između mojih zemljaka Hrvata i Bošnjaka su dobri, ali mogu biti još bolji. Treba da zaboravimo ono loše, a okrenemo se onome što nas veže, što nas spaja, što je dobro, jer valja nama preko rijeke", rekao je Bandić nakon obilaska Starog grada u Mostaru.

Također je rekao kako Neretva treba da spaja Boš-

njake i Hrvate, a ne da ih razdvaja.

**"Neretva je oduvijek bila poveznica. Ona je sad nabujala, pa izgleda ovako surovo, ali Neretva je ipak - bez obzira na to koliko ima čudi - topla rijeka, ako je grle ljudi",** poetično je, između ostaloga, rekao Bandić.

**Bandić je objasnio da se nalazi na mini-turneji po BiH,**

Omerbašić je rekao kako se život vraća u Mostar, te je pohvalio napore koje zagrebački gradonačelnik ulaže u obnovu povjerenja u gradu na Neretvi.

"Vidimo da se život snažno vraća ovdje. Mislim da gradonačelnik Zagreba jako želi normalizirati odnose između Bošnjaka i Hrvata i ta njegova inicijativa, odnosno napori, zaslužuju pohvale", rekao je muftija Omerbašić.

**Njih dvojica u Stari grad u Mostaru stigli su u pratnji svojih domaćina Bešlića i Čorića, sa suradnicima.**

"Ovo je samo jedan dokaz dobre suradnje između dva grada, kao što je dobra suradnja i između dvije države", rekao je Bešlić, dodajući kako mu je posebna čast što je u Mostar stigao i zagrebački muftija.

Inače, Bandić je objasnio da se nalazi na mini-turneji po BiH, te nakon Mostara putuje u Sarajevo i Goražde.

**Treba da zaboravimo ono loše, a okrenemo se onome što nas veže, što nas spaja, što je dobro, jer valja nama preko rijeke, rekao Bandić nakon obilaska Starog grada u Mostaru**

## UKRATKO

### "Plava bolnica" do kraja mjeseca

TUZLA - Tuzla će do kraja novembra ove godine biti bogatija za još jednu, savremenu zdravstvenu ustanovu, a riječ je o realizaciji izgradnje objekta, koji je u javnosti poznat kao "Plava bolnica".

Gradevinski radovi teku po očekivanoj dinamici, tako da bi krajem ovog mjeseca trebalo da počne instalacija vrlo skupocjene i složene opreme, nakon čega slijedi preseljenje.

Objekat je projektovan i izveden po najsvremenijim postulatima bolničkih ustanova u gradevinskom smislu, organizaciji, opremi i uslugama koje će pacijenti imati u "Plavoj bolnici".

Pored postojećih klinika, koje će biti u sastavu ovog objekta, planirano je otvaranje i novih pet hirurških sala, odjeljenje intenzivne njege sa 16 kreveta, sala za opekotine, dvije angio sale za potrebe interventne kardiologije, kabinet za elektrofiziologiju srca i pejsmejkere, kabineti i ambulante polikliničkog dijela svih navedenih klinika i bazen sa velnes centrom.

Važno je istaći i otvaranje radio-terapije u "Plavoj bolnici", čime će biti omogućeno pacijentima da ovaj vid zdravstvene usluge dobiju u Tuzli i da ne moraju ići u druge centre u BiH, što je do sada bio slučaj. (Fena)

### U prvih devet mjeseci 301.575 osiguranika

BIJELJINA - Fond PIO RS za devet mjeseci ove godine imao je 301.575 osiguranika i 57.738 obaveznih uplatioca doprinosa, dok je broj penzionera na kraju oktobra iznosio 207.426, navodi se u devetomjesečnom izvještaju ovog fonda.

Fond PIO RS je u prvih devet mjeseci ostvario prihod od 563.402,756 KM, dok je od doprinosa naplaćeno 416.204,850 ili 82,59 odsto od ukupno planiranih prihoda od doprinosa za 2008. godinu.

U izvještaju se navodi da je iz budžeta doznačeno 125.000.000 KM, dok su ostali prihodi iznosili 3,5 miliona KM.

U izvještaju se navodi da su sve dospjele penzije isplaćene bez kašnjenja i prije zakonskog roka, odnosno devet penzija u iznosu od 553.992,887 KM, što je 85,5 odsto od plana za 2008. godinu.

O.S.

### "Nevesinjska puška" u stripu

NEVESINJE - Nastavak strip-priče "Nevesinjska puška" o znamenitom hercegovačkom ustanku iz 1875. godine, autora Jovana Bratića, objavljen je u Nevesinju.

Poslije velikog interesovanja koje je u javnosti izazvalo pojavljivanje historijskog stripa "Nevesinjska puška", autor je odlučio da ljubiteljima strip-umjetnosti ponudi i nastavak stripovane storije.

Jovan Bratić iz Nevesinja kaže da je koristeći svoj hobi crtanja stripova pokušao da doprinese popularizaciji jednog značajnog historijskog događaja kao što je "Nevesinjska puška". Dodaje da je za razliku od prvog broja, koji je obradivao tematiku pripreme i samog početka ustanka protiv Turaka, u najnovijoj priči akcenat stavio na bitku na Vučjem dolu.

Bratić kaže da je na novoj ilustrovanoj priči radio oko pola godine zadržavši likove iz prvog dijela, ali i uvodeći neke nove, poput crnogorskog knjaza Nikole.

D.Vu.

### Potpisani ugovori za zapošljavanje 20 pripravnika

BIJELJINA - Anto Gajić, direktor Rudnika i Termoelektrane (RiTE) Ugljevik, potpisao je ugovore sa 20 pripravnika različitih struka, koji su uglavnom završili društvene fakultete.

"Smatram da je ovo velika pomoć mladim ljudima, koji veoma teško dolaze do posla, i nastojaćemo da ovdje nauče sve ono što će im trebati da koriste u praksi. Sa Zavodom za zapošljavanje potpisali smo ugovor koji predviđa da 60 odsto troškova u vezi njih snosi Vlada Republike Srpske, a 40 odsto naše preduzeće", rekao je Gajić.

"Pored pravnik i ekonomista, mi moramo imati i mašinskih, rudarskih i elektroinženjera. Kada je u pitanju otvaranje fakulteta, mislim da je potrebno da se čuje i riječ privrede", poručio je Gajić.

O.S.

Kasni potpisivanje ugovora o ustupanju udjela KHK Lukavac u GIKIL

## Radnici još čekaju uvezivanje staža

M. RENER

**SARAJEVO - Neizvjesno je kada će biti potpisan ugovor o ustupanju dijela kapitala koji Koksno-hemijski kombinat (KHK) Lukavac ima u firmi GIKIL, kako bi radnicima koksare bio uvezan staž.**

Direktor KHK Vehid Mešić podsjeća da je potpisivanje ugovora bilo najavljeno za septembar, a potom za oktobar.

**"KHK dio svog kapitala** ustupa englesko-indijskom 'Global Ispatu', s kojim je osnovan GIKIL. Imamo male poteškoće pravne prirode. Čekamo tumačenje u vezi s izvještajem revizora. To bi trebalo da dobijemo ove sedmice, pa bismo onda pregovarali sa 'Global Ispatom' o procentu udjela koji bi im bio ustupljen i sumi koju bi za to dobili. Tim novcem bi uvezali staž, a radnici idu na biro", dodao je Mešić.

Predsjednica Sindikata oko 200 radnika KHK Senada Alihodžić istakla je da će do 12. novembra

čekati da Vlada Tuzlanskog kantona kaže kako će i kada riješiti njihov status.

Podsjeća da KHK ne radi pet godina, a radnici su na ulici jer niti rade niti mogu na biro, a nisu dobili plate od 1992, dok im staž nije uvezan od 2003. godine.

**"Radnici su posljedica** lošeg domaćinskog odnosa prema KHK. Tražimo da Vlada riješi naš status, a s firmom neka radi šta hoće. Hoćemo da kažu kako će nam uvezati staž, dati otpremnine i zaostale plate. Čekamo do 12. novembra, a onda ćemo se okupiti pred zgradom Vlade TK", najavila je Alihodžićeva, podsjetivši da je 1.300 radnika KHK prešlo u GIKIL, dok ih je 200 ostalo na spisku koksare.

Mešić kaže da je sva imovina KHK unesena u GIKIL, te da će 16 odsto državnog kapitala KHK biti na berzi, a o privatizaciji ostalih 51 odsto Vlada TK se još nije izjasnila.

Izjavu Sehudina Ograševića, ministra energije, industrije i rudarstva TK, nismo uspjeli dobiti.

**Poteškoće pravne prirode**

### Završeni "Dani Jabuke"

ZVORNIK - Izložbom jela, kolača i sokova od jabuke u Osnovnoj školi "Desanka Maksimović" iz Čelopeka kod Zvornika juče je završena tradicionalna manifestacija "Dani jabuke", koja je počela 20. oktobra.

Na izložbi, koju su priredili pojedinci, veći broj restorana i Udruženje žena "Nezaborav" iz Malog Zvornika, bilo je postavljeno više od 150 raznih jela i kolača od jabuke.

U okviru "Dana jabuke", otvorena je izložba slika zvorničkog autora Snežane Alimpić o temi "Jabuka", na kojoj je postavljeno više od 20 radova.

Rade Perić, direktor Osnovne škole "Desanka Maksimović", kazao je da su učenici u toku prethodnih desetaka dana radili i recitali stihove o temi "Jabuka" i razgovarali o zastupljenosti jabuke u zdravoj ishrani. (Srna)

### Modernizacija puteva

KALINOVIK - Zahvaljujući sredstvima lokalne uprave uskoro će početi modernizacija lokalnih saobraćajnica u Božanovićima i Vlahovlju kod Kalinovika.

Radovi na modernizaciji puteva dužine od oko pet kilometara, povjereni su kompaniji "Put" iz Istočnog Sarajeva, a za asfaltiranje puteva u Božanovićima i Vlahovlju biće izdvojeno više od 500.000 KM. (Fena)